

九  
梅  
村  
詩  
集

九梅村詩集卷十四

鐵嶺魏燮均公隱甫編

餘生草

丙寅  
丁卯

宛平劉

杞松雲選訂

卧病小愈喜向海甘泉二君過訪

病危幾未死尙有此生緣相見又今日所歡皆暮年葉  
深門外徑秋盡雨餘天同過山居問知君切意憐

病起述事

二豎擾不休揮之去復止欺我病殘身狂肆虐不已我  
方與之拒力弱不勝彼初猶許我生繼乃逼我死飲食  
不能咽坐卧不容徒庸醫罔效靈噩夢每見鬼日甚復

一日幾難問生理老妻泣我旁兩眼淚如水小兒侍我  
側哭問遺言旨我弟疾來窺我女慘來視舉家驚且惶  
顛倒備衣履父老駭相聞奔走來鄰里歎我有斯疾斯  
人胡若此我心耿尙明聽之了於耳但覺氣如絲奄奄  
不可恃忽逢董奉仙饋藥翻有喜服董醫之藥始效飲我續命  
湯肉我白骨起造化小兒黠弄權無所使信哉詹尹言  
預卜神無比鄒乙蔡卜余今年將有大疾果驗方知病死苦數皆前定  
矣頓令萬念灰不作勞形子低昂聽造物居易惟命俟  
邀天微倖存況增犬馬齒我將號更生願養蓬門裏

雪霽

雪霽覺寒重北風生暮林天昏一星出日暝眾山陰散  
憤自歸巷行人遶度岑蓬門病餘叟寂寞獨遐心

寒夜

紙窗茅屋雪中天漏下衾寒尙未眠老婦績麻翁索句  
夜深猶嗽向燈前

村居冬晚

凍雀投林去行人出郭還岸高風落雪天遠日平山石  
井暖猶汲柴門寒早關荒村老農父夜話擁爐間

諸葛銅鼓歌

我讀昌黎石鼓歌雄詞潮湧如江河當時尙惜李杜死

猶說才薄將奈何況我陋儒寡才藻較遜古人百倍過  
昔謁長安 承光殿目覩銅鼓手摩挲或言諸葛鑄西  
蜀威服蠻獠旋兵戈從此南人不復反或埋潭瀨或山  
阿後人往往掘於地粵民得者爲居多相傳嶺表有牧  
豎蛤聲聞出田中禾捕之不得得銅鼓形刻蛙鼈伏青  
莎年深精氣作神物不類荆棘埋銅駝當年將軍鑄馬  
式得從越路聞伏波厥形高濶類於此後賢聚訟別僞  
訛今觀此鼓置 庭陞未詳何代恣搜羅豈是南郡男  
子獻銘詞不辨隸與蚪流傳至今二千載疑有鬼神爲  
護呵珍若天球貴比鼎來觀珮劍鳴相摩不叩桐魚叩

以指彭彭作響聲如鼉武侯兵法世已廢八陣石沒江  
之沱空餘此物示後世不與漢鼎同銷磨 聖朝天

子重古器萬年 國祚延羲娥我生雖賤幸獲觀如對

拱璧珊瑚柯爾時亦頗動詩興無才豪邁慚東坡甘泉  
老友苦相逼勸我縱筆發吟哦不然徒負平生好古志  
桑榆再失嗟蹉跎寒夜挑燈勉成構終覺音節乖諧和  
嗚呼銅鼓之歌若不朽安得古人爲切磋

雜詩十六首

淵明古達人折腰不肯仕晉代稱高賢千載一隱士其  
詩有元音遠邁六朝矣在唐王孟儲韋柳諸君子私淑

百世後貌似或神似未有老東坡於陶稱獨喜唯其才  
力雄未肖宗風旨豈知異代賢師承竟如此可惜紹淵  
源傳家無令子

王融語其甥大言驚人耳天下論文章無我歸阿士狂  
哉杜審言臨終語諸子有吾生在世久壓公等爾古人  
具高才猶爲後人鄙何況本無才狂妄亦如此聖賢貴  
虛衷謙抑至終始不肯藐世人一切不如已寄語諸後  
生自滿無益矣

曹翰屠江州人民無噍類陳氏兄弟賢七人各分避乃  
皆脫兵戈若有鬼神庇天道豈無知善惡終有異茫茫

大劫中畢竟顯孝義

趙氏有兄弟急難千古稀餓賊得弟瘦兄肥往替之賊乃感其義竝令釋之歸楊氏有昆季義讓稱當時甘旨必共嘗寢息每同幃男女百餘口總服同爨炊次則漢許武割產還無遺更有齊褚淵推財不自私此皆古賢哲可爲人倫師吁哉閱墻輩聞之慚汗滋

子猷與子野平生不相識彼此各知名一旦途中覲相逢不敘歡便令桓吹笛下車爲三弄登車不復揖主客無一言兩情終默默奇哉古人行令人不可測

呂安思嵇康千里輒命駕徽之憶安道棹舟乘雪夜與



來動相思一刻不容暇或見或不見情慰心已下古人  
率真行往往令人訝豈同勢利交相對終日假

姜愚富且賢慷慨性樂施王陶貧且孝奉母常苦飢一  
貧一富間把臂交相知天寒大風雪念陶當絕炊獨行  
二十里來叩窮廬扉登堂置酒肉解去貂裘衣中饋歎  
無人慨贈百千貲古人尚義氣交道真無虧嗟哉此高  
風近世聞者稀

何曾性豪奢日食費萬錢何劭乃過之每食珍異全或  
以炭炊飯或以乳蒸純費盡中人產不足供一餐猶謂  
不適口驕縱毋乃偏古人侈已甚今人尤過焉無論世

豪家水陸羅豐筵尋常富商賈宴客極甘鮮動輒費及  
萬少亦盈入千世衰風氣靡誰能挽狂瀾可歎窮閭民  
日不舉炊烟

朱符牧會稽侵虐百姓苛黃魚每一枚收稻一斛多刺  
史或羅刹司馬或蝮蛇任意肆貪黷違恤卧虎歌方今  
酷虐吏強政如恆河錢愚工取民漁奪分殊科動足蹈  
機罔舉手掛網羅藉法剝脂膏罔顧傷天和訟獄得曲  
直但視金如何安得循吏出民瘼爲撫摩

晉時鄧伯道曾爲吳郡守載米獨之官俸祿且不受但  
飲吳江水涓滴入其口何況萬民脂豈肯侵牟取上追

劉寵賢一錢無所有下擬包拯介一硯不持手如何此  
廉吏無兒竟絕後長歎問彼蒼憤憤真孤負

高昂事馳騁不遵師訓理男兒當橫行自取富貴耳誰  
能坐讀書甘作老博士馬燧少年時輟卷歎不已天下  
將有事丈夫建功起安能爲一儒屹屹窮年矣前後兩  
奇人懷抱頗相似當年定遠侯投筆亦如此英雄當微  
時每異人行止尋章摘句間那有奇男子

祖述真英雄聞雞乃起舞當其得大用將軍奮威武誓  
志清中原渡江擊楫無怪劉司空當日刮目觀常恐  
枕戈待不能臬逆虜果然先著鞭削亂清寰宇報國有

此人穆然思前古

耿豪戰邙山壯語三軍曉見賊須拔刀殺賊如殺草披  
靡不可當死傷縱橫倒慎勿畏皺眉臨陣先自保王羆  
守華州詞厲氣何浩貍子安得過老羆卧當道齊兵至  
城下大呼誓肝腦此是王羆冢戰決生死早神武懾其  
威不敢攻城堡偉哉兩丈夫言大膽非小古之豪傑人  
惜乎今世少

貴不易天性我愛曹景宗自云在鄉里騎快馬如龍嘗  
與少年輩馳騎挾珣弓控弦霹靂響鳴叫平澤中射麋  
飲其血味與甘露同鼻頭出烈火耳後生清風於今作

貴人動轉不由躬惱人類新婦車幔相遮蒙快人發快  
語本色見英雄豈肯因貴賤性情改厥終

北齊李元忠心不關家事聲酒以自娛忘居權要位更  
有裴昭明生產亦不治身外復何須子孫亦不計異哉  
劉伯倫有無不介意獨乘鹿車游攜酒到處醉荷鋤每  
隨行死便埋我地此皆曠達懷不爲形迹累邈然思古  
人頗愜我胸次

古人能肥遯厥志在知足養氣蓬華中頤光山林麓漁  
釣恣嬉游躬耕供饘粥或采南山蕨或采東籬菊彈琴  
自著書澹然忘名祿性命且苟全理亂耳不屬滅景向

窮巖蔽名在愚谷我將慕風猷長嘯希高躅

宿張枚齋草堂夜話

人非是知己相對亦參商世更有吾輩時還登草堂談  
詩煨酒暖說鬼剪燈涼此際殊超曠窮通意兩忘

枚齋過訪以詩見質有贈

風雅已淪喪孰詩有幾人惟君猶健在與我獨相親歲  
月侵衰鬢干戈脫此身自應事吟咏莫厭往來頻

村暮

羣峰生暮色返照下柴關雲凍嶺西樹雪高村後山鑿  
冰飲犢去出谷獵禽還隔歲一回首驚心戎馬間

大宋書言集卷一  
一  
答鄭乙藜書並以詩見懷兼以志勗四首

別來問無恙忽得故人書  
知我病垂死關懷情有餘  
身貧兼老至詩拙愧才疎  
感子殷勤意相思寄鯉魚

遠懷殊若渴情見數篇詩  
憐我與同病除君誰更知  
窮途每獨泣吾黨不勝悲  
念爾飄淪客何人說項斯

少年正騰達前路指青雲  
況子有奇氣才華殊不羣  
士當精所業天豈喪斯文  
莫爲歧途誤銷磨世不聞

辭家數千里奔走苦風塵  
遠道念游子高堂有老親  
天涯容託足客路戒傷身  
留得長年在旋歸慰二人

客有過清河溝者談被劫諸村光景慘然感賦

山川慘澹舊時非尙有烽煙谷口飛

時大兵駐札李家臺

塞入秋

深看馬壯地經兵後覺人稀縱橫田畝餘荒草殘破村墟帶落暉聞道客談離亂景傷心我亦淚沾衣

冬夜獨坐憶枚齋

片月在天高寒風徹夜號短簷低落雪古木遠生濤此際獨危坐孤燈讀楚騷遙憐張仲蔚垂老沒蓬蒿

王肇周

基昌

孝子死難詩

有序

乙丑五月間有賊黨百數人竄擾開原東之老坎村肇周之父王翁者年已八十富甲一鄉賊斃之徑撲其家翁急令其子避之曰余老矣不



能行汝等宜速逃禍福唯有我耳肇周不肯去  
翁力促之肇周終依戀左右賊乃縱火焚其廬  
縛肇周於椅上以銃擊殺之拽翁於別院棄肇  
周屍於火中賊乃去初肇周性純孝翁卧病侍  
奉唯謹當賊入室時肇周恐加害其父故終不  
忍去蓋欲以身衛父也遂見害余聞而賢之爰  
賦詩以彰其孝

大節全倫紀精竈質鬼神但知身衛父不怕賊傷人拚  
死心何壯臨危孝乃真若能移報 國亦可作忠臣

歲暮無聊有懷鄭棫叔

寂寞掩山扉蕭然心事違病餘新歲近亂後故人稀垂

老羞看劍長貧慣典衣關懷念游子底事未東歸

棧叔  
羈留

京師

除日書懷有憶甘泉蕉園二君

冉冉年華去不回光陰難禁鬢毛摧英雄失意空垂淚

天地無情豈愛才惟有放歌須縱酒何妨多病強登臺

故人一別無消息冷落春光到眼來

是日  
立春

丁卯

元日讀杜少陵詩集

大雅久不作邈然思古人如逢杜陵叟共坐草堂春曠

代詩稱聖先生筆有神遭時太不幸天地正風塵

言孝婦左氏割臂療疾詩

有序

氏江蘇常熟人祖左輔原任湖南巡撫父左晨  
長蘆批驗所大使氏適浙江知縣言良鈺鈺先  
賢言子之裔也父忠傑官按察司照磨先是氏  
在室時天性純孝母陳氏病劇醫藥罔效氏乃  
潛割臂肉和藥以進母病遂愈于歸後翁忠傑  
病篤氏復割臂療治翁亦就痊迨氏病故家人  
見其兩臂刀痕宛然查同治四年都察院奏刑  
部員外郎蔣鳳藻之妻彭氏爲祖病割臂本年

二月奏原任高郵州學正蔣錫林之妻吳氏及  
余祖培之妻徐氏割臂療父疾先後請 旌在  
案今左氏因母與翁兩次割臂療疾苦志奇節  
事同一律同鄉官邵亨豫援案請 旌建坊入  
祠事見同治五年五月十一日邸抄

海枯石爛心不轉貞烈上感風雲變何況孝婦心益堅  
精誠能格天神眷賢哉左氏女生爲名門媛夫婿本賢  
裔大族稱姓言兩家簪纓盡華胄素稱禮義聯爲婚當  
年女在室割臂療母病于歸爲子婦剗肉活翁命血跡  
紅污衫袖溼笑顏和藥不知痛忘痛之心心愛親愛親

不敢愛兒身但得母翁俱健在差勝兒身微倖存母飲  
藥母卽痊翁飲藥翁霍然祇謂刀圭有奇驗那知人肉  
如金丹和緩扁鵲皆斂手甘讓此婦稱醫仙未嫁爲孝  
女出嫁爲孝婦人道牀頭善事翁豈識閨中先事母苦  
志臨終不敢言兩臂刀痕餘左右君不見盧氏剔目房  
割耳李氏斷臂魏斬指當時尙以節烈傳姓氏流馨挂  
人齒又不見曹娥賢女宗孝江東姚氏女尤少皆以至  
性報天親或表門閭或立廟况乎奇節傳江蘇已有彭  
氏兼徐吳金書次第降 旌典煌煌 丹詔來天都詩  
人邵公是鄉里封章奏請邀 恩旨不奉 綸音特表

揚千秋安得光彤史我讀公疏生歎咨知公善頌必吟  
詩我詩不足宣風化說與山村婦女知

烈女篇

有序

丙寅二月有馬賊數百人焚劫開原之下肥地  
殺戮極慘死者甚眾經官軍擊敗竄至鐵嶺東  
之房身陽掠一少女年可十六七賊醜其美欲  
污之女怒罵不止遂見殺既死賊復以藥灼其  
面棄之去遠近村鄰有失女者往尋其屍不可  
辨究不知爲誰氏女也鄉人乃瘞於河側時奉  
旨設忠義局欲採其事 上聞因不諳姓氏遂寢

惜哉友人張枚齋明經現充採訪事語余余聞  
而烈之未忍聽其湮沒爲賦詩以表其節

青青女貞木錯節空山裏狂風摧其枝不墮濁流水窈  
窕小女郎不知出誰氏清潔本天性生長蓬蒿里破瓜  
正妙齡青蛾兼皓齒待字方有期蔦蘿松柏倚丙寅春  
二月賊至狂如兇殺人血成渠縱火室皆燬刀光烈焰  
中忽覩傾城美掠之上馬去追兵慮後起挾竄房身陽  
虜騎暫休止女恐狗盜污白璧玷有恥不屑宛轉啼甘  
誓馬前死厲聲反罵賊顏變桃花紫賊亦按劍怒殺之  
洩憤耳五體灼且薰玉顏慘成鬼鄰村尋女屍不復辨

形似鄉人收殘骸乃瘞河之涘嗟哉烈女身危比履虎  
尾不避菹醢誅彷彿聶政姊能使阿堵羞又似李庾婢  
恨未掣佩刀斬首髮怒指嗚呼離亂時有女貞如此惜  
乎失姓名無由請 旌旨採訪徒傍徨不敢達 天

子我爲歌一詩幽光發稗史庶幾慰貞魂流傳徧遠邇

排悶四首

少壯多愁老更悲一生艱苦有誰知力窮事轉求神助  
病累身常乞佛慈境遇逆來無好夢文章厄處總盲詞  
自嗟潦倒聲名薄敢向人前說善詩

漫道前因與後因今生墮落已紅塵妻孥到老非知己



親友無多索解人才薄誰憐司馬病命乖鬼笑伯龍貧  
茫茫天地寬如許底事難容措大身

元龍意氣本縱橫可惜消磨念已平鄰里但知無酒量  
邑人偏說有書名學農學圃聊安拙看山看水且適情  
牢落光陰如此過何須明白了餘生

暮年每憶少年游百歲常懷千歲憂翻悔聰明猶識字  
不如混沌免生愁側身天地幾千古過眼煙雲五十秋  
惆悵人間無樂土要從海上問丹邱

寒夜獨坐

山村夜寂寥雪晴風亦靜四鄰何悄然茅屋一燈炯我

方整襟坐孤吟與夜永家人寢正酣犬吠不知警開門  
看月斜星斗滿天冷獨立瞻傍徨庭柯散清影鷺看野  
鶴飛翩躚度西嶺

烏夜啼

擬古樂府爲久役於兵戍者言也

烏夜啼啼聲悲空房少婦停鳴機良人昔年去征戍存  
歿萬里音書稀日夜辛苦織成丈何由遠寄軍中衣昨  
日東鄰火伴歸問之不言生人疑烏夜啼啼聲悲少婦  
涕泣空相思

十五日蕉園見訪

索居如避世車馬不聞喧幽室正孤坐故人忽到門暮

年驚又聚久病幸猶存感慨意無盡言歡且倒樽

上元與蕉園溪上望月並懷甘泉

重來舊遊地風景昔年真同此看明月悠然思故人  
江山自清夜老病兩吟身不見袁臨汝蕭蕭髮似銀

夜坐贈別蕉園

隔年忽相見一見又分襟送子遠將別與君愁共吟  
寒燈照村屋曙月墮山林去去不能戀悵然橫素琴

蕉園晨起作別賦詩再贈

天際大星出曙分窗色微琴書登道路車馬候巖扉  
我進故人酒君披遊子衣愁看好明月從此滅清輝

述懷

羞將抱刺謁公卿，伏處窮岩望太平。  
百歲光陰垂耳順，一家溫飽賴躬耕。  
人生但得有清福，世上何須邀令名。  
獨愧時人知姓氏，善書偏說魏端明。

答家子循書

去年仲秋別頻接，數封書感子寄來。  
意知君遙念余雲，山歸後夢風雨病中廬。  
窮巷無車馬時，還悵索居。  
人生似鴻爪聚散本無期，異縣各南北暮年傷別離。  
賊氛稍靖日兵戍未休時，況乃迢遙隔相思，但寄詩。

寄張劍湖軍中

劍湖投効軍營去年從劉帥來奉勦賊參謀幕  
中已得保舉矣今又隨劉帥入關未獲把晤作  
此寄之

男兒負奇節壯歲事從軍雖入戎衣隊能爲露布文旂

吹邊塞月夢斷楚天雲莫謂書生弱封侯有樹勳謂曾督帥

亦湖  
南人

朝廷用兵久惟楚最多才君亦斯邦彥人稱報國材

持旌辭幕府籌筆佐雲臺不似餘生叟甘爲伏櫪哀

昔年同作計奔走向風塵意氣殊超俗才華不讓人十

年傷久別一介老清貧無復當時志羞稱草莽臣

故交半淪落吾子是英雄旣遂請纓志須成投筆功文  
章謝博士帷幄逐元戎他日論行賞高飛聽遠鴻

駿馬行

有序

邑之西有田舍路翁者購一良馬毛赤色畜之  
數年不知其異每於月下但見兩鼻吐氣如虹  
一日有急乘之遠出瞬息數百里主人始駭異  
之然終不能大其用惟老於櫪下而已余爲賦  
駿馬行以傷之

吾聞穆王八駿天驥材周行四海兼八垓漢文九逸亦  
神駿橫行萬里風雲開逸羣絕足固殊眾矯矯自是徠

龍媒從來超凡具奇骨騰驤未肯沒蒿萊乃有駿足能  
追風產出大宛來遼東飛霞不貢天育廐赤電竟歸田  
舍翁主人愛馬非王濟不知駿骨千金值廐養視與凡  
馬同竟使驂囓喪英氣一旦有急需馳驅逞材騰躍嘶  
長途歷險超壑若平地四蹄但覺風聲呼斯須往還數  
百里主人始駭非罷駑豈知長材展未盡自負三千異  
驟牝縱令不忍服鹽車愛惜究非遇支遁我觀此馬真  
如龍不數郭家獅子驄月光射地見奇特鼻端吐氣如  
雙虹或疑瀚海月精降晦冥雲霧爲濛濛雄姿居然嫵  
腰裏直使翼北羣能空吁嗟乎世無九方與伯樂誰信

死生真可託，僅識牝牡驪黃中。皮相無人知，磊落顧影  
驕嘶自矜寵。校人不列天，閑重甘作田家伏。樞悲埋沒  
汗血烏孫種，太息騏驎地上行。無由馳騁圖功成，他日  
雖逢李邕獻虺隤，已老春田耕。

花朝

更無風雨度花朝，尚有春寒淺未消。大劫欲過離亂世，  
中興猶是聖明朝。稗官活計詩千首，野老生涯酒一  
瓢。不似去年烽火警，眼看人事日蕭條。

大火行

二月二十三日申時，邑之東郭火災，是日大風。



狂甚延燒居民一百二十八家房五百餘間風  
威火烈不能撲救徹夜火光燭天如燎原野至  
明日稍熄然被災者已慘不可言矣聞父老云  
嘉慶十二年丁卯是日東郭亦被災其火與此  
相類噫異矣豈天數歟賦詩以紀其事

銀州二月春風高塵沙蔽日喧驚濤樓頭鐘報火突起  
黑煙漠漠騰青霄須臾烈焰不可制縱橫拉雜延相燒  
火星如箭亂飛射四鄰一片聲喧囂祝融空際作遊戲  
指揮風伯區別燎或燃華屋居萬瓦崩堂坳或越比鄰  
舍三椽餘編茅倉皇老翁踰牆走蹙蹙婦稚奪門逃衝

煙冒死掠衣物兒襁女烏橫陳拋風威煽虐勢愈猛火  
光撲面同煎熬霎時破垣變赤壁頃刻畫棟成虹橋玉  
帛菽粟化灰燼雞豚犬馬生燔炮彷彿楚人俗爲旱致  
雨燒龍蛟又如宋門災餘殃竟及池魚焦熒臺飛電阿  
房炬神邱燭遠炎山遙苦無郭憲含酒嘆能滅佛圖作  
雨傾盆澆又無江陵劉昆賢令尹叩頭向火登時消安  
得天河水倒瀉齊傾不用翻天瓢焚香竟有向天禱虔  
誠立格迴神颺長衢狹巷塞無路舉國奔救人如潮幸  
賴戍兵資彈壓乞兒未逞賊心豪時城中有大兵駐戍  
統領託帥帶兵彈壓  
幸免搶掠由申至亥尙未熄燭龍噴耀明通宵嗟哉一百二

十有八戶處堂燕雀無居巢我聞道旁老叟說往經丁  
卯天災遭是日狂風亦暴厲東郭片土皆成焦迄今日  
月六十載又看焚蕩龍山椒嗚呼豈真天數不可追禍  
福端自由人招人心利慾熾於火安知震怒干天曹前  
年妖氛破城日烽燹夜照城之濠居民膽落亂奔竄流  
離幸免屠賊刀彼替示警有深意人胡不悟天心昭今  
復慘罹此浩劫天陰神鬼爲呼號君不見二更雞唱報  
妖異城頭夜夜聞啼鴉

去年冬雞至二更輒鳴又城頭  
有鴉烏夜啼數月皆非祥兆也

山居暮春卽事

故人久不到柴扉獨啟山窗對翠微楊柳村墟鳩自喚

梨花門巷燕雙飛呼僮汲水煎茶熟使婦提筐採蕨肥  
我學於陵灌園子朝朝抱甕著田衣

老驥歎

有序

余家畜一老驥性馴良善走乃購自成將者也  
聞成將云此馬少極雄健且捷當從役江南時  
經百十戰歷數千里所以得立戰功者皆此馬  
之力也今羸且老矣勢難爲用故不得已而棄  
之也余因無乘騎賤購之乃爲賦詩以歎云

老驥復老驥伏櫪悲何爲念昔事疆場効力從健兒血  
戰數千里駿足縱橫馳臨陣本無敵何敢避險危健兒

立大功封侯擁旌麾十年竭勞瘁力憊形已疲昔何雄  
且傑今存骨與皮煙塵尙未掃壯志猶曩時還思報主  
恩終當革裹尸豈知恩已薄一朝棄如遺嗟哉老驥心  
徒與烈士期我學田子方束帛贖恐遲知爾齒加長重  
爾成功奇愛爾尙神駿惜爾徒飢羸雖然老無用差勝  
駑駘姿我昔少年日身未從王師伏處無寸功鬢毛行  
亦衰惆悵對爾驥能勿慙汗滋我已老牖下爾隨林泉  
怡不爲戰士乘翻爲處士騎長吁語老驥休作嘶風悲  
英雄當末路千古同歎咨

題甘泉指墨山水

畫師擅神工宇宙在乎手眼前皆生機胸中邱壑有供  
養藉煙雲清福且黃耆所以享大耄石田黃子久何人  
得其意惟我甘泉友年將近古稀居然山澤叟兩腳歷  
風塵探徧巖淵藪下筆具有神煙霞隨其肘少年早擅  
場蜚聲遠左右老來忽變化不肯效株守棄翰乃用指  
驅使山靈走兩眼巨如箕一身膽如斗譬如張旭顛草  
書墨濡首愈出而愈奇視筆如敗筭閭陽傳凱亭山左  
高南阜吾鄉朱翰齋酷肖且園舅竝以指墨傳至今名  
不朽甘泉老益壯恥居古人後作畫如作書氣足吞歐  
柳運指如運毫神已得八九我作卧遊人精神亦抖擻

狂來題以詩自忘東施醜擲筆問當時尙有誰能否  
題李午樵畫蘭詩

石畔蘭

異石非頑質崇蘭乃相託瘦骨自嶙峋孤芳殊磊落  
水邊蘭

蘭花何皎皎流水何涓涓不作媚世姿照影殊自憐  
峭壁蘭

蘭本產瀟湘乃生峭壁上其高不可攀徒令人惆悵  
荆棘蘭

荆棘似小人蘭花比君子竝立品自殊相容乃如此

破盆蘭

託根破瓦盆所植非其地譬如絕代人蓬門錯安置

破盆露根蘭

打破舊烏盆土鬆根已露何人能解憐栽向黃磁固

風蘭

和風惠然來搖曳更多姿彷彿洛神女凌波微步時

露蘭

蘭葉翠葳蕤露華湛如水灌之以天漿靈根壽不死

破瓶折枝蘭

折幾枝蘭不帶根破瓶中有國香存從今供養高人眼



勝在田家老瓦盆

懸崖蘭

懸崖百丈聳欹幾本幽蘭卻倒垂位置自高危不墜  
笑他小草出山時

哭春澍齋先生

諱在覺羅氏官  
義州知州工詩

忽聽風流老謫仙  
遽辭塵海赴重泉  
人間賸有詩名重  
遼左猶將政績傳  
青眼憐才知我早  
白頭折節屬公賢  
不堪再說傾襟日  
回首春風十六年

新秋雨夕書懷兼呈王蕉園李午橋鄭乙藜三君

皆山  
左人

電光閃閃黑雲走雷聲兢兢疾風吼暮雨忽從天外來  
敲窗點點大於斗頃刻雨勢如盆傾雷電交作風怒鳴  
人家掩戶下簾幙庭昏不敢燃燈檠夜涼暑退清如水  
窗外蕭蕭猶未止但聽風聲雜雨聲滿城一片秋聲起  
擁衾輾轉忽興懷山東亢旱連登萊野無青草道多蹇  
況遭蹂躪兵戈災海南連歲無甯宇遼左居然稱樂土  
雖經戎馬亦流離邀天幸免荒年苦又聞燕趙八十州  
赤地千里無耕牛今天降災竟不悔何況戰伐無時休  
夜半風停雨亦霽心懷百憂不成寐料得蓬飄海外人  
中宵應有思鄉淚

秋夕村居

蟲聲一片起禾黍晚涼天秋氣小村雨夕陽高樹煙摘  
瓜向老圃種菜就閑田我亦農家叟躬耕望有年

擬杜少陵秋興八首卽用原韻

余閉戶邱園意興無賴每懷時事輒動悲思因  
讀杜少陵秋興八首淒然有感遂效其體用寫  
愁懷自知東施捧心效顰增醜然情不能已亦  
弗計其工拙也

蕭蕭木葉下疎林一夜霜高肅氣森滄海雲霞開曙色  
遠天風雨變秋陰英雄伏處無奇節烈士衰年有壯心

滿目蒼涼動愁思那堪又聽搗衣砧

長安翹首夕陽斜烽火驚心感歲華曾見客星侵帝座  
枉教漢使泛仙槎美人醉舞軍中劍壯士愁聽塞上笳  
徒說月中丹桂樹未聞能發及時花

城頭曉日散清暉雲水光中島嶼微海上鯨鯢無信至  
天邊鴻雁有書飛陸機作賦才原拙王粲從軍願已違  
擬買村醪謀一醉稻粱初熟蟹初肥

世事升沈一局棋飄零庾信不勝悲十年喪亂無安土  
四海承平憶舊時絡繹征車供苦役縱橫戎馬各分馳  
自聞定遠封侯日多少蒼生慰渴思

鼎湖龍去別江山元惡先除肘腋問王母駕臨金殿陞  
將軍書報玉門關機槍未靖潢池禍日月重瞻 聖主  
顏環拱北辰看星象八元協贊列朝班

傷心鐵甕破城頭更慘金陵十數秋三楚風煙銷古蹟  
六朝金粉動人愁旌旗影蔽瀟湘雁鼙鼓喧驚夢澤鷗

況復 御園經一炬不堪回首說 皇州

三韓盜起將無功亦在乾坤小劫中鐵騎出關嘶漢月  
雕戈臨塞擁邊風山川戰後陰憐碧村郭焚餘燹火紅  
鴨綠江深秋水闊飄飄愁絕信天翁

邱壑清幽勢遶迤丹砂難問葛洪陂不妨狡兔營三窟

且許鷓鴣覓一枝陶令酒中真趣得成連海上自情移  
端居無限蕭騷感華髮長吟淚暗垂

秋晴寓目

獨卧翠微巔西風過耳邊夕陽飛鳥外山色落人前野  
水遠浮地秋雲晴在天西成今又稔高下看禾田

十六夜晴喜見月

虛度中秋夜惟聞風雨聲雲開今夕淨月補昨宵明未  
覺光輝缺依然天地清老夫有孤興獨坐到三更

月下有懷

夜色澄如水憑軒思渺然樹高風四受天闊月孤懸烽

燧沙場火妖氛海國煙清光應共照野哭萬家連

是時聞山

東大兵數十萬困賊於海上登萊之間蹂躪殆徧

題袁甘泉畫蘆雁

秋風瑟瑟吹平沙秋江漠漠開蘆花霜高楚塞雁南度  
雲飛水宿天之涯食則求稻梁鳴或倚蒹葭春秋來往  
亦無定鷗鄉鷺渚依爲家沙明水碧瀟湘岸不見真鴻  
見圖雁滿紙蕭蕭蘆荻聲依稀飛落秋窗畔天然妙筆  
工寫形傳神彷彿牧溪僧或疑晁以道或謂杭林生或  
稱勝胡奇或說如張涇

以上皆宋之工畫蘆雁者不然卽是七閩李

良佐松江康澹澄若非諸老流傳此真蹟亦必信是濟

水彭南溟

以上皆本朝  
工畫蘆雁者

豈知追踵若前輩其人竟出

古北平北平家世甘泉叟袁昂之裔袁倩後歷代相傳  
以畫鳴淵源不墜丹青手甘泉平生工潑墨不但雲龍  
見奇特海內人知邊壽民轉惜此翁無人識吁嗟乎飢  
驅奔走遼西東雪泥到處印飛鴻可憐飄泊亦如雁江  
湖浪跡蘆花風

題甘泉畫雲龍

神龍見首不見尾變化無端更奇詭有時天矯騰雲中  
瞬息風雷千百里飛則在天潛在淵喜則爲霖怒噴水  
大抵不離雲水間龍之爲靈昭昭耳古人聞有曹弗興



曾見真龍畫龍始筆墨通靈信有神遇旱興雲雨不止  
況乎繼者張僧繇畫壁點睛飛去矣二子之畫古今絕  
人亦猶龍神乎技此後誰以雲龍傳會稽山人首屈指

唐孫位歷代畫者非無人姓字紛紛著畫史古清僧吳道

士僧元人名維翰道士朱人號霞所伯顏不花亦工此若輩皆稱善畫

龍不及陳所翁兄弟所翁名容弟名珩陳氏而後聞者稀 本

朝乃有人崛起前有劉源後周濬甘翁所法本朱氏朱謂

翰齋先生用筆蜿蜒如游龍潑墨成雲腥滿紙時或一鱗一

爪露空濛不見龍全體出没氤氳勢若飛儼若真龍在

雲裏縱不敵曹張亦可凌諸子若令置此岳陽樓世間

畫者應愧死嗟乎，袁翁徒具屠龍手，未乘風雲効驅使。  
自應蟄伏韜其光，神龍見首不見尾。

范河城月夜散步

月色懸清夜，千家一片秋。屋隨崩岸斷，水繞廢城流。  
燈火疎籬院，鐘聲破寺樓。有誰河上望，懷古動閑愁。

再題甘泉雲龍

葉公好龍，天龍至。董公畜龍，羣龍食。僧繇不好，亦不畜。  
乃能畫壁點睛，去點睛之後，無真傳。遂令龍伏潛深淵。  
歐陽楚翁太弦，後千年又見袁甘泉。甘泉畫龍不畫水，  
專畫雲龍擅絕技。龍若噴雲雲若飛，露爪露首不露尾。

或疑梭出雷澤濱挂壁飛去神乎神或疑葛陂之杖化  
靈物或疑豐城之劍投延津不然豈是真龍幻形見聳  
身跳入墨池雲倘遇子先跨之必仙去安公騎之昇天  
門若非波智池中小龍子定是馮伯昌後遺龍孫我立  
觀之駭未已空際雷聲殷乍起正當大旱望雲霓頃刻  
甘霖徧千里翻訝此龍能救災飛去東溟帶雨來雲中  
知有鱗甲溼捫之不得徒徘徊君不見探龍手雕龍口  
斯人湮沒古今有不如託業畫龍人人間猶識龍鍾叟  
嗚呼煙雲變滅空復空宋織誰識人中龍

秋日曉起

征鴻早辭塞南去度瀟湘夜冷不知雨曉寒初見霜晚  
秧瓜更綠老樹葉先黃賸有庭前菊秋深開自香

暮秋卽事

村外青青賸晚菘田家已了一年功野花映日餘黃白  
老樹經霜半紫紅亂影驚飛禾穗雀細聲嘶咽草根蟲  
門前溪水魚秧大收拾絲竿作釣翁

暮秋懷鄭棫叔

時客都門未歸

秋山瘦四圍黃葉滿村飛鴻雁已南度故人猶未歸夢  
回關外路寒到客邊衣我意殊蕭索相思日掩扉

寄懷子循並答惠書二首

去年秋別離今又菊花期轉眼忽經歲回首纔幾時人  
生容易老駒隙不能遲念此須行樂無爲兒女悲

暮年知己少念我更無人君獨每相問誰能如此親命  
乖謀事拙路遠答書頻莫訊窮愁狀年來髮似銀

宿銀岡書院雨夜不寐

秋城風雨淒鬼鳥夜深啼一院樹聲滿兩廊燈火低孤  
吟驚壁鼠久坐聽鄰雞因念昔賢謫隨緣此地棲

謂郝復陽

先生

送甘泉出塞

送君出塞去十月斷蓬飛積雪没人徑邊風吹客衣異

方文字陋前路友生稀莫戀窮荒景衰年須早歸

憎老篇

少年不知有老憊每遇老人先走避語言顛倒厭聽聞  
形體婆娑竊嘲戲日月忽催老逼人我今五十有六歲  
好景回頭不再來老狀參差一齊至行則臀後首向前  
昏夜總覺無平地食則稍飽不敢眠脾衰無力累腸胃  
堅卧轉身重於石久坐神疲思欲睡寒暑偶犯不可支  
噫嗽乘虛來作祟齒牙欲動剔更疎兩眼模糊看細字  
面皮如水風縐紋鬢毛似草霜噓氣整冠不敢攬鏡看  
自嫌老醜敗人意年纔半百卽就衰彼翁嬰鑠轉增愧

怕隨混跡少年場珠玉在側慙形穢念昔我當少年時  
亦頗自許風流致今何忽成老怪物龍鍾偃偻如魑魅  
不應有妾豔如花自堪老婦鳩槃對豈是前生已如是  
本來面目不復記抑或今生不是我絕世丰姿在來世  
如今五旬已可憎若進七旬更憔悴少年見我憎我老  
亦如我昔憎人類英雄一老心便灰謝卻生平多少事  
吁嗟乎草木無情老復榮文章有骨老爲貴書畫老益  
佳詩律老更細惟有人老不堪憐譬如犬馬老可棄縱  
登耄耋百年期苟延殘喘亦無味安得返老還童丹食  
之許列神仙次

山居初冬遣興

十戶柴扉九不關  
家家煙火翠微間  
曉寒霜凍樹根葉  
冬暖雨晴牆外山  
新釀分甘誰共酌  
舊詩割愛擬重刪  
但期溫飽無餘事  
消遣光陰到老閒

贈王雪樵

論交三十載  
潦倒共春秋  
窮路誰青眼  
長貧到白頭  
每嗟遭世亂  
幸免在官愁  
自合詩中隱  
狂吟對酒甌



九梅村詩集卷十五

鐵嶺魏燮均公隱甫編

餘生草

戊辰

宛平劉 杞松雲選訂

新正見新月

少少年年看月新人隨  
新月度新春月猶如此人偏老  
不是當年看月人

正月十五月下感賦

一片清光照大千又逢佳節上元天  
百年人更幾時健萬古月常如此圓  
風鶴現身經浩劫兒孫催我到華顛  
平生蹤跡誰能識欲問嫦娥亦惘然

雪夕作

陰雲寒不散獨立向空庭  
日暮尙飛雪夜晴微見星  
樓高鐘度遠室小燭搖青  
此夕無人訪閑門且早扃

老去

老去眈疎懶春寒日掩扃  
詩荒才覺鈍病久藥無靈  
少飲朝還醉遲眠夜數醒  
窮愁不能遣靜坐讀心經

春晴卽事

今歲春風少晴和三月天  
杏花昨夜雨楊柳別溪煙  
村婦採山菜野人耕石田  
家家飲春社又辦典衣錢

枕上口占

老妻中夜夢醒來向我語模糊說未真又入睡鄉去

夏日村居

四月人無暇鄉村入夏天趁晴苦破屋帶雨種高田鄰婦弄機杼園翁汲井泉老夫獨閑適高詠白雲篇

晨起續夢中得句

夢中見已詩稿中有貼水看雲飛之句既醒因續成之

旭日照平楚朝煙生翠微隔山聞雨過貼水看雲飛笠影散田陌雞聲鳴巷扉小村最幽僻車馬來來稀

李午樵見訪留宿山莊

到門不速客豈忍遽分襟難得雲霞友來彈山水音畫知君入妙詩信我能吟彼此相怡悅談心到夜深

君常有塊壘我亦不平鳴舉世薄貧賤誰人知姓名興  
孤豪氣在俗淺道心生他日當招隱空山效耦耕

同任丈赴山岔堡道中作

路斷阻車馬言尋陵谷穿怒流崩岸樹疾雨壞山田淺  
渡踏高石低坡出細泉雞鳴隔林薄遙望有人煙

行抵王格嶺口占

漸入重巖路更幽輪蹄蹀躞敢停留亂峰無數起當面  
流水一灣尋到頭茅屋向山多雜樹石田挂壁少平疇  
莫言霖雨傷禾稼深谷居民半有秋

至山岔堡作

山家雜雲樹遙望似桃源斷岸忽崩路亂流爭入村壤  
橋通石巷破壁賸柴門父老相逢話今年苦雨繁

枕上聽流水聲偶成

一渠秋水響潺湲直送寒聲到枕間夜半忽疑風雨至  
起看明月滿空山

哭友人任香咳秀才六首

香咳一號向海

秋風颯颯作悲聲撒手紅塵入化城病到垂危猶忌死

食能兼量已傷生

病中日食至十餘餐

再遲數月過花甲

八月十一日病

故時年五十九

幸緩三旬過伏庚

伏中瀕死者數矣

我替問醫頻買藥

那知鬼物早相迎

病中見鬼甚多大小異狀

少時一見便傾心從此論交意氣真同譜弟昆比廉慶  
兩家兒女締朱陳馮驩無好依人早鮑叔多情知我貧  
三十餘年如舊好應知香火是前因

憐才每惜不逢辰推許能詩屬鐵民白眼看人常罵世

青山招我獨爲鄰

戊申招余徙家紅杏屯

若論慷慨真名士自命

英雄亦異人共說任華有奇氣可憐埋沒竟終身

多藝多才冠士林傷哉子敬竝亡琴陰陽數理知幾妙

通奇門六壬諸書

金石圖書好古深

精於篆刻

起死有方頻舍藥

同治

元年時疫大行嘗施藥救活甚眾

寫生惜墨總如金

工畫花卉得南田筆意求者不輕與

也蕭條百硯山房在每憶風流淚滿襟

深信長生有術傳起居常對悟真篇自知色相難成佛

素好閱楞嚴法華華嚴諸經歎佛道之難

每說金丹易作仙孤負聰明才調

好謬施喜怒性情偏前因究屬根基薄悞了餐霞換骨

緣

病裏常招旦夕過衷懷自訴淚滂沱平生老友惟君在  
舊日同人作鬼多萬事有緣聽造物百年易盡莫奔波  
每思此語酸心甚痛賦招魂喚奈何

戊辰大水行

黑雲漠漠西南起雨龍飛出滄溟裏正逢渴旱望雲霓  
長風吹下天河水戊辰五月逢壬寅一朝大雨兼連旬

萬山齊漲水怒發澗溪百道成河津依山隴陌盡衝斷  
怒湍激石壓田畔巖根古道少人行截然崩壞爲高岸  
眾流潏潏趨汎汎汎汎復潰灌平田高禾露穢短禾沒  
四無陸地惟撐船枝瀆穿村變澤國童號婦叫失人色  
陽侯鼓浪走戶庭雞豚已被蛟龍得柴河洶涌東奔來  
入遼不下還濫洄地無尾閭洩其勢狂瀾溢溢如轟雷  
濱河居民少完屋夜半驚逃上林木倉皇呼救更無舟  
浪撻身翻葬魚腹須臾水國添新鬼罔顧爺孃與妻子  
新喪未殯新嫁初棺漂匱泊洪濤裏生死無人問水濱  
此時難覓勇泗人閭閻半作波臣宅黎庶翻成淖國民



昨日城中有來客駭聞水勢圍城郭糧艘直抵北門邊

布帆齊向城根落滿城人士驚且惶登城觀歎何汪洋

憶昔己酉

道光二十九年

甚丙午

二十六年亦有大水行

無此浩瀚兼天

長二麥無秋及五穀隰田大歉山田熟馬無芻豆人無

糧翻羨耕民住巖谷君不見兵革之後多荒年更逢壬

子水滔天

農諺云每逢壬子水滔天只在正月上旬看

鼃辭故穴塞河走端

陽霧起濃於煙

三月初九日柴河有鼃數萬障蔽水面下徙於遼河又端陽大霧皆主水

不見去年祝融肆炎赫焚燬城郭千百里以經疫癘繼

妖氛縱橫屍骨撐天白

元年瘟疫流行死亡相藉三四五年賊氛蹂躪死亡更多

嗟乎頻年災異警蒼生造物無情實有情若使人心消

禍水自無此劫亦昇平

登鷹臺山遠眺書感

山在城南四十里

當年誰築瞭鷹臺絕頂荒寒廢址頽城郭微茫從北望

山川迢遞自東來舊遊筇屐人何在

戊申與亡友田秀坪同登絕頂小

劫滄桑世幾回今日登臨獨惆悵且將老眼向風開

秋夜感吟

鐘動月初上不聞塵世囂露寒蛩語細天闊雁聲高夜  
氣凜肌骨秋風吹鬢毛流光不可挽太息吾生勞

秋眺晚歸

夕雲凝不動落日亂峯間雁叫暝生水蟲鳴秋在山幽

人悵獨立飛鳥倦知還策杖歸來晚柴門月一彎

青龍灣訪于叟山居

古道尋石門策馬入山裏但見青龍灣澄然一潭水涼  
秋當九月風號東雲起天陰欲釀雪霰落小於米下馬  
訪幽人居廬近在咫撻頭一間屋蕭然少鄰比中有七  
十翁白髮垂兩耳空山甘寂寞棄養遠妻子種樹千百  
株負薪三四里晨興禮仙佛夜眠伴狐鬼有時充渴飢  
酌泉煮石髓望之有道氣居然老煉士問君胡爲然一  
笑但啟齒我疑得秘傳長生壽不死世外有奇人令我  
深仰止流連悞下山夕陽破雲紫

暮秋野眺有懷甘泉

寂寞出村望霜高秋氣清草枯山面瘦葉落樹身輕別  
浦有漁唱遠天來雁聲故人音信絕何處滯歸程

九月十二日惆悵吟七首

香魂輒語記依稀十四韶華九月時機會莫教今日錯  
因緣難得再生奇現身色界休疑妄隔世情根尙帶癡  
二十二年鴛侶散看儂遺種有佳兒

不是風流宿世緣阿誰如此意纏絲願隨蕭史生無憾  
得配參軍死亦仙僕本恨人原命薄卿何憐我太情偏  
枯楊自分難爲偶五十於今又七年

也識蕭郎兩鬢霜甘心十五嫁王昌算來此日芳齡妙  
記否前生綺語長好事未成遭鬼妬癡心無賴葬魂香  
誰知杜老鍾情意每日相思黃四娘

女轉生於蓋  
平黃氏家

文簫爲踐彩鸞盟故謫人間待長成我本無才原錯愛  
卿真知已特多情宜求玉杵藍橋飲難覓金丹白髮更  
不是有心孤負汝海棠春色太嬌生

初挽鴉鬟綠髮生玉容想像董雙成嬌依阿母憐憨態  
低喚何人識小名不合梅花相伴老未知桃葉讓誰迎  
眼看五百雲山路已抵蓬壺十萬程

畫裏嬋娟鏡裏顏姍姍曾向夢中看數由前定知非易

緣在今生恐亦難自問何修享佳麗斷無奇遇到窮酸  
年來未免情懷減顧影蕭蕭白髮殘

幾度仙源欲問津天台無路引劉晨修行再種來生福  
消受應逢絕代人縱結良緣終是幻卽非同夢亦成真  
卿須自愛余將老惆悵吟成淚滿巾

九月二十八日大雪后雨人

汝霖

秀才招飲

天街積雪深三尺銀沙滿地無人迹蕭條客館絕炊煙  
時寓書院欲學袁安卧枯席忽聞有客敲門來故人招我傾  
尊罍滿城風雪正飛舞笑披鶴筆登瑤臺早有酒人三  
四客論年皆仲我稱伯主人敘坐進壺觴來遲先浮一

大白慷慨掀髯盡數卮縱令爛醉復何辭今朝亦作暖  
寒會古人休笑今人癡杯盤狼藉人皆醉我亦獨醒有  
酒意眼看舊日幾人存回頭忽感滄桑事去年招我醉  
重陽九人痛飲同飛觴今年此會不可得風流雲散天  
一方停杯我爲主人歌人生百年能幾何莫惜千金買  
一醉請看黃土北邙多歌罷四座慘不樂雪花如掌當  
筵落明朝有約更登樓共澆塊壘胸中惡

遣懷

窮通何處問前因造物隨心弄喜暝無命莫求非分想  
受恩難得有緣人才疎未必終身賤福薄何妨到老貧

畢竟浮生都是夢看他誰假又誰真

書懷

萬事安排只聽天升沉數定總茫然人知富貴皆由命  
我有兒孫但望賢無累到心能壽考及時行樂亦神仙  
卽消此福原非易便得修行幾百年

送王巖棠少府移任牛莊

琅函飛到讀新詩聞道遷官欲別時猶戀故人情太重  
尙延鳳駕去還遲白頭屈宋稱騷客青眼公卿識國醫  
未必長才終末吏此行知有種花期

少府精醫學當道  
大僚皆優禮之

曾聞風鶴膽心驚可惜官微未握兵不顧全家臨大節



獨留孤吏守危城

四年冬賊犯鐵嶺旂民官吏驚竄居民悉逃少府獨守空城欲殉大節賴

某力救得免

此時具見英雄志平日能懷士庶情寄語當途

賢令尹莫言長厚是書生

當年鴻爪印秦淮

君集中有秦淮雜詩

更記鴛湖送別來

君有奇令兄嘯

雲琴舟詩云記得鴛湖相送後柳條一十八番青

兄弟幾人分宦轍江山滿眼

助詩才扁舟獨向遼東繫畫角常聞塞上催我作元瑜

識君日相看猶未鬢毛摧

佐理銀州已九年而今捧檄又南遷雲山遠送遼陽路

風雪寒衝海上天酌酒堂空思射鴨望塵人立待烹鮮

江淹老去情懷索賦別銷魂更黯然

四詩已成意猶未盡再賦五律四首以罄離懷

爲君作詩序重是竹林賢

君著竹林草堂詩鈔

視我猶知己論交

況有年升沈隨宦海耕釣伏林泉垂老難爲別臨歧各  
悵然

念昔兩詩友松雲與拓園自從哭王粲久不見劉昆嗟  
我獨無偶惟君可與言再談流水曲別後向誰論

我無官更累君亦有官貧況復各遲暮自應爲故人風  
塵豈俗吏草莽亦微臣又值昇平世加餐健兩身

車馬向臨滇郵程四百經雪輪邊地冷風帶海潮腥獨  
任絃歌化應勞案牘形有書逢驛使須報故人聽

書懷

百年亦屬片時身莫把浮生太認真未必有兒皆是福  
但能無累不妨貧文章縱有千秋業姓字誰傳萬古春  
聞道干戈今已定眼前且作太平民

感吟二首

恨少陳王八斗才自知造物已安排功名容我真無地  
富貴猶天不可階垂老難醫原憲病淨心學喫太常齋  
前因早信根基淺福命文章兩不佳

自向人間歎二毛干時無用笑鉛刀精神老尙因詩健  
意氣衰猶仗酒豪偶爾放歌消塊壘有時痛哭讀離騷

傳家每向兒孫說留得青山付汝曹

雜詩

洪荒無火食飲啄安自然往往享大壽萬有千餘年自  
從燧人興鑽木取火煎民生饜熟食毛血嫌腥羶因之  
疾病生害其性命堅何況多嗜慾又鑿先後天人壽乃  
天折百歲難求延豈有千萬歲上追太古前所以關元  
門金丹大道傳修真講長生服氣學神仙

神仙世本有其事非渺茫黃帝棄鼎湖龍引飛上蒼洪  
崖浮邱公柱史淮南王黃石赤松子茅君魏伯陽大率  
人盡知姓字何煌煌試讀列仙傳屈指難具詳或乘白

鶴遊或跨青鸞翔或駕白鹿車或騎丹鳳凰或服餌得  
道輕舉隨風颺或煉丹功成飛昇向天閭或傳避穀術  
或授餐霞方此皆厭人世壽不及仙鄉所以謝紅塵期  
與天地長奈何肉眼人妖妄說荒唐妻子不肯棄戀戀  
富貴場形質非金石百年瞬息光一旦溘然逝骸骨歸  
北邙哀哉癡眾生胡不師雲房

釋氏說輪迴此理疑未真乃有星精僧轉世生凡塵張

巡漢桓侯李白長庚星東坡是鄒陽米顛爲蛇精丞相

史彌遠本覺闍黎僧

史相兩朝權震海內當時謂佛位  
中人有規之以詩曰前生原是覺

闍黎業障紛華總不迷覺  
僧之法號也見宋稗類抄

國朝裴文達燕子磯水神

見隨

園詩 桂林陳相國淨香童子身仁和杭大宗法華會上

人杭爲法華會上寄靈童子王公習鑿齒錢公辛稼軒王介眉侍讀爲習後身錢

文敏公爲辛後身俱見子不語河間紀宗伯錢塘袁隨園藏經樓上蛇

見梁章鉅歸田錄點蒼山中猿見本司寇王白齋太史蔣靜存

俱爲老禪師墮落公卿門司寇前身爲潮鳴寺僧太史前生亦有道僧亦見子不語

古今若此類說者難具陳皆徵有來歷莫謂訛傳聞我

從六道來茫茫昧前因自知無根基宜受賤與貧誓願

修三生再與諸公鄰

我本尋常人原來不奇特既無謫仙才倚馬萬言得又

無項王勇蓋世拔山力修真乏仙骨終難斷酒色奉佛

閱藏經甘讓善知識不能游八垓凌風展鵬翼不能壽  
千年絕粒如龜息求富運更乖求貴命亦塞徒具骸髀  
軀側身向人國體寒但思衣腹餒但思食未來事不知  
已過事難憶現在眼前事混沌心更惑吾不如老農力  
耕事稼穡又不如老圃桔槔灌園汲皆有功於人勝飲  
三斗墨吾將復如何潛藏效龍蟄

哭任蒼園先生七首

驚聞病勢遽垂危急策征車雪道馳出郭正逢傳死信  
到家兼得報亡時

時余在城聞先生病篤乃急歸而已  
於臘之七日寅時故矣未獲一晤

迴思幾日猶歡聚豈料今生永別難聽說彌留頻念我

歸來恨隔一宵遲

平生二豎不相侵底事今朝一病深急欲救生無別術

誓將分壽亦甘心久推德望人皆仰但聽聲名鬼亦欽

擬祝修齡頌純嘏如何先返道山岑

時年六十八明年擬爲先生預慶七

句

可憐伯道竟無兒手撫蘭孫亦別枝妻妾相隨頭共白

親朋難舍淚雙垂

病劇時見人輒哭曰我捨不得素好親朋也

養生有產因

貧割避債無臺到死虧

先生負逋累萬嘗曰待我償完時方可死不然終負心也家有

田七十餘日割其半與債主納租隨年代銷之

欲別紅塵還大笑口占偈語便

成詩

病中非哭輒大笑卒之前一日曰我當去矣遂口占一絕向其姪輩誦之惜不能記



排紛解難息風波每救冤民出網羅頓使萬人齊淚下  
可知四境感恩多推誠待物無貧賤作偽勞心笑鬼魔  
先生最惡此等小人不但平生有功德最能廉讓最謙和

桑榆已逼暮年身猶踏京華道上塵

甲子先生六十四歲猶同余赴都門

曾約登山陪蠟屐還思渡海作遊人

先生每欲歸山東故籍嘗約余作海

南之遊登覽泰山孔林諸勝竟未果

浮生頓覺游仙夢此老何期與鬼鄰

地下定應逢向海依然骨肉一家親

風飄仙樂動鄉鄰旗鶴相迎謝世塵通國皆稱爲善士

九原不愧作真神修行自種來生福果報應知後世因

三十三天歸有路人人都望再生人

歿之前一日先生聞鼓吹之聲私謂

其親串某曰彼迎我爲城隍我當去切勿思我待三十  
三天便歸矣某疑爲譫語迨屬續之際又聞音樂喧闐  
驚聞鄰里目瞑  
後卽不聞矣

平生心跡最相知一語曾無隱諱時幾日索居如不見  
兩人寂寞各相思彼蒼妒我偏孤我老輩無誰更敬誰  
徒使傷心頻痛哭茫茫那有返魂期